

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Der Nibelungen Liet**

**Müller, Christoph Heinrich**

**Berlin, 1782**

Wie Gunther Sifriden zuo d' Hohzit bat

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

# WIE GUNTHER SIFRIDEN ZUO D' HOHZIT BAT.

- 2653 **D**o dahte ouch alle zite daz gunthers wip.  
Wie treit also hohe vro kriemhilt den lip.
- 55 Nu ist doch unfer eigen sifrit der man.  
Er hat uns nu lange luel dienft getan.  
Daz truoch si in ir herzen und wart ouch wol  
verdeit.
- 60 Wa von daz were daz hete si gerne bechant.  
Siverfuohte an den kunich ob daz mohte gelchehen.  
Daz si chriemhilde folde noch gesehen  
Si reite ez heimeliche des si da hete muot.  
Do duhte den herren diu rede mazlichen guot.
- 65 Wie mohten wir si bringen sprach der kunich rich.  
Her zuo difem lande daz wer unmugelich.  
Si sicient uns ze verre ich gedarfes niht gebiten.  
Do sprach diu vrouwe in vil hochuerten siten.  
Swie hohe riche were deheins kuniges man.
- 70 Swaz im gebute sin herre daz sold er doch niht lan.  
Des erfmielte gunther do si daz gesprach.  
Er iachs im niht ce dienste swie diche er syfriden  
sach.
- Si sprach lieber herre durch den willen min.  
Hilf mir daz sifrit unde diu swefter din.
- 75 Komen zuo dem lande daz wir si hie gesehen.  
So kunde mir ze ware nimer lieber gelchehen.  
Diner swefter zuht und ir wolgezogen muot.  
So ich daran gedenke wie samphite mir daz tuot.  
Wie wir enlament fazen do ich wart din wip.
- 80 Si mac mit eren minnen des kuenen sifrides lip.  
Si gertes also lange unze der kunich sprach.  
Nu wizzet daz ich geste so gerne nie gelach.  
Ir muget mich samfte vlegen ich wil die boten min.  
Nach in beiden senden daz si here komen an den  
rin.
- 85 Do sprach diu kuniginne so sult ir mir sagen.  
Wenne ir si welt belenden oder in welhen tagen.  
Unfer liebe vriunde sulen komen in daz lant.
- 2688 Die ir dar welt senden lat werden mir bekant.  
Daz tuon ich sprach der furste drizech minner man.
- 2690 Wil ich dar lan riten die hiez er fur sich gan.  
Bi den enbot er mere in sifrides lant.  
Ze liebe gap in prunhilt vil harte herlich gewant.  
Do sprach der kunich gunther ir reken sult von  
mir gelagen.  
Daz ich dar enbiete des sult ir niht verdagen.
- 95 Dem starken sifride und der swefter min.  
Daz in darf zer werlde niemen holder sin.  
Unde bitter daz si beidiu uns komen an den rin.  
Daz wil ich und min vrouwe immer diende sin.  
Vor disen sunwenden sol er unde sine man.
- 2700 Sehen hie vil manigen der in grozer eren gan.  
Dem kunich sigmunde saget den dienst min.  
Daz ich und mine friunde im immer wege sin.  
Und saget ouch miner swefter daz si niht laze daz.  
Sin rite zuo ir friunden ir zeme nie hochzite baz.
- 5 Prunhilt unde uote und swaz man vrowen da vant.  
Die enbuten ir dienft in sifrides lant.  
Den minnechlichen vrowen und manigem kuenen  
man.
- Mit des kuniges rate die boten huoben sich dan.  
Si fuoren reifliche ir pferit und ir gewant.
- 10 Daz was in do komen do rumten si daz lant.  
In zogte wol ir verte dar si da wolden varn.  
Der kunich mit gewalte hiez die lute wol bewarn.  
Si chomen in drin wochen geriten in daz lant.  
Ze niblunges burge dar waren si gesant.
- 15 Ze norwege in der marke funden si den degen.  
Ros und lute waren muode von den langen wegen.  
Sifride und kriemhilde wart beiden do geseit.  
Daz riter komen weren die truogen solhiu kleit.  
Sam man ze burgonden do der site pflac.
- 20 Si sprach von einem bette da si rouvende lac.  
Do bat si zeime venster eine msget gan.  
Liu sach den kuenen geren an dem hove stan.

- 2723 In und die gefellen die wären dar' gefant.  
Gegen ir herzeleide wie liehtiu mere si bevant.
- 25 Si sprach zuo dem künige sehet ir wa si stent.  
Die mit dem starken geren uf dem hove gent.  
Die uns min bruoder gunther fendet nider rin.  
Do sprach der starke sifrit die suln uns willeko-  
men sin.
- Allez daz gefinde lief do man si sach.
- 30 Ir iflich befunder vil gütlich sprach.  
Daz beste daz si kunden zuo den boten do.  
Sigmunt der herré was ir kunfte harte vro.  
Do wart geherberget gere und sine man,  
Diu ros man hiez behalten die boten giengen dan.
- 35 Da her sifrit bi kriemhilde saz.  
In was ze hove erlaubet da von so taten si daz.  
Der wirt mit sine wibe stuont uf sa ze hant.  
Wol wart empfangen gere uz burgonden lant.  
Mit sinen hergefellen gunthers man.
- 40 Geren den vil riken baten an den sedel gan.  
Erloubet uns die botchaft é wir siben gen.  
Uns wege muode geste lat uns die wile sten.  
Wir suln iu sagen more waz iu enboten hat.  
Gunther und prunhilt der dinch vil zierlich stat.
- 45 Und waz vrou uote iwer muoter her enbot.  
Gifelher der iunge und ouch er gernot.  
Und iwer besten mage habent uns hergefant.  
Die enbietent iu ir dienst uozer burgonden lant.  
Nu lon in got sprach sifrit ich getrouwe in wol.
- 50 Triwen unde guotes also man friunden sol.  
Sam tuot ouch ir swester man sul uns mere sagen.  
Ob daheime unser friunde iht hohes muotes tragen.  
Sit wir von in schieden hat man in iht getan.  
Minen chonen magen sult ir mich wizzen lan.
- 55 Daz wil ich in mit triwen immer helfen tragen.  
Unz daz ir viende minen dienst muozen klagen.  
Do sprach der marchgraué gere ein riter guot.  
Si sint in allen tugenden so rehte hoh gemuot.  
Si ladent iuch ze rine an eine hohgeit.
- 60 Si sahen iuch vil gerne daz ir des ane zwivel sit.  
Bittet iwe frowen si sol mit iu dar komen.  
Swenne der winder ein ende habe genomen.  
Vor disen sunne wenden wolden si iuch sehen.  
Do sprach der starke sifrit daz kunde muolich  
gesehen.
- 2765 Do sprach aber gere von burgonden lant.  
Iwer muoter uote diu hat iuch gemant.  
Gernot und gifelher ir sult in niht versagen.  
Daz ir in sit so verre daz höre ich tegelich klagen.  
Prunhilt min vrowe und ir magedin.
- 70 Vrönt sich der mere obe daz mohte sin.  
Daz si iuch noch sehen daz gebe in hohes muot.  
Do duhten disiu mere die schönen kriemilde guot.  
Gere was ir sippe der wirt in siben hiez.  
Den gesten hiez er senken niht lange in daz hiez.
- 75 Do kom ouch dar sigmunt da er die boten sach.  
Der herre fründtlich zuo den burgonden sprach.  
Sit willekomen ir reken gunthers man.  
Sit daz kriemhilde ze wibe gewar.  
Sifrit min sun man soldiu dikér saen.
- 80 Hie in disem lande woldet ir uns vriantschefté  
sehen.
- Si sprachen swenne er wolde gerne komen.  
In wart inichel müde mit freuden benomen.  
Die boten bat man siben spise man in truoch.  
Der hiez do gebes sifrit sinen gesten genuoch.
- 85 Si muosen da beliben benolle niun toge.  
Des heten endeichen die snellen riter klage.  
Daz si niht wisen riten selden in ir lant.  
Do hete der künich sifrit nach sinen friunden ge-  
lant.
- Er vragte waz si rieten er sold aa den rin.
- 90 Ez hat nach mir gesendet gunther der fründt min.  
Er und sine mage durch ein hochcit.  
Nu kom ich vil gerne an daz sin lant ze verre lit.  
Si bittent kriemhilde daz si mit mir var.  
Nu rater liben friunde wie sol si komen dar.
- 95 Sold ich heruerten durch si in drizech lant.  
Da muose in dienen gerne hin diu sifrides hant.  
Do sprachen sine reken habet ir der reise muot.  
Hin er hochcite wir raten waz ir tuot.  
Ir sult mit tusent reken riten an den rin.
- 2800 So muget ir wol mit eren da cen burgonden sin.  
Do sprach von niderlandern der herre sigmunt.  
Welt ir zer hochcite wan tuot ir mir daz kunt.  
Obez iu niht versmahet so rite ich mit iu dare.  
Ich füre tusent degne da mite mer ich iwer schare.
- 5 Welt ir mit uns riten lieber vater min.  
Sprach der küne sifrit vil vro sol ich des sin.

- 2807 her tagen zweluen so roume ich miniu lant.  
 Ale die es gerten den gap man ros und ouch ge-  
 want.  
 B der kunich edel der reise hete muot.  
 10 D hiez man wider riten die snellen degne guot.  
 Sien kone magen enbot er an den rin.  
 Erwolde harte gerne bi ir hochgecite sin.  
 Sifrit und kriemhilt so wir bören sagen.  
 So il den boten gaben daz ez niht mohten tragen.  
 15 Ir nöre haim ze lande er was ein riker man.  
 Ir staken somäre treip man vrölichen dan.  
 Ir volk chleidete sifrit und ouch figemunt.  
 Ekewar der graue der hiez an der stunt.  
 Vrouwen kleider suochen die besten diu man vant.  
 20 Oder inne kunde erwerben uber sifrides lant.  
 Die setel zto den schilden bereiten man began.  
 Rittern und vrowen die mit im solden dan.  
 Den gap man swaz si volden daz in niht gebrast.  
 Er brahte sinen friunden manigen herlichen gaff.  
 25 Die boten zogten sere ze lande uf den wegen.  
 Dö kom zon burgonden lint veré der degen.  
 Er wart vil wol enphangen do erbeizten si ze tal.  
 Von rossen und von mören für den gunthers sal.  
 Die tumben und die wisen gengen so man tuot.  
 30 Vragen umbe mere dö sprach der riter guot.  
 Swenne ich si säge dem kunige da hort irs ze hant.  
 Er gie mit den gefellen da er guntheren vant.  
 Der kunich von liebe von dem sedel sprach.  
 Daz si so snelle komen des seite in do danch.  
 35 Pruonhilt diu schöne gunther zen boten sprach.  
 Wie gehabet sich sifrit von den mir liebe vil ge-  
 fach.  
 Do sprach der küne gere da wart er vrouden rot.  
 Er un iwer suester nie friunden baz en bot.  
 So getriwe mere deheiner flachte man.
- 2840 Als ir der herre sifrit und ouch sin vater hat ge-  
 tan.  
 Do sprach zuo dem marchgrauen des richen ku-  
 niges wip.  
 Saget mir kumt uns kriemhilt hat noch ir schöner  
 lip.  
 Behalten iht der zuhte der si kunde phlegen.  
 Si kumet riterlichen sprach do gere der degen.  
 45 Uote bat do drate die boten für sich gen.  
 Man moht an ir vrage harte wol versten.  
 Daz si horte gerne was kriemhilt noch gesunt.  
 Er seite wie er si funde und daz si köme in kurzer  
 stunt.  
 Ez wart von in diu gabe ze hove niht verdeit.  
 50 Die in gap er sifrit golt und ouch diu kleit.  
 Brahte man ze schoune der drier kunige man.  
 Ir vil grozer milte wart da danken getan.  
 Er mac sprach do hagne von im sampfte geben.  
 Er kund ez niht verwenden fold er immer leben.  
 55 Hort der niblunge besloz hat sin hant.  
 Hey sold er immer komen in burgonden lant.  
 Allez daz gefinde freute sich dartzuo.  
 Daz si komen solden spate unde vruo.  
 Waren vil unmuozech der drier kunige man.  
 60 Manicher gefidele man do rihten began  
 Hunolt der küne und sindolt der degen.  
 Heten vil unmuoze die cit si muosen pflegen.  
 Truchsezen und schenchen ce rihten manigen  
 banc.  
 Des half in ouch ortwin des seit im gunther danc.  
 65 Rumolt der kuchenmeister wie wol er rihte sit.  
 Sine undertane mag wegen kezzel wir.  
 Haven unde pfannen hei waz man der da vant.  
 Da bereite man den spise die da komen in daz  
 lant.